



Broj:01/5-02-1174-1/24  
Sarajevo, 28. 5. 2024. godine

Primijeno: 28-05-2024			
Org. jed.	Broj	Priloga	Vrijednost

## PREDSTAVNIČKOM DOMU

Komisija za sigurnost Predstavničkog doma Parlamenta Federacije Bosne i Hercegovine (u daljem tekstu: Komisija) održala je 8. sjednicu u utorak, 28. 5. 2024. godine, kojoj je prisustvovao jedanaest (11) članova Komisije, tako da su ispunjeni uslovi za punovažan rad u pogledu kvoruma i odlučivanja. Prema jednoglasno utvrđenom dnevnom redu, Komisija je razmatrala:

1. Usvajanje Zapisnika s nastavka 7. sjednice Komisije,
2. Informacija o stanju kriminaliteta - sigurnosti na području Federacije BiH za period januar, februar, mart i april 2024.godine, kao i zaključke na Informaciju o stanju sigurnosti za period januar - decembar 2023. godine, broj: 01/05-03-1101/24 od 23.5.2024. godine,
3. Tekuća pitanja.

Na osnovu člana 44. stav 2., a u vezi sa članom 61. Poslovnika Predstavničkog doma Parlamenta Federacije BiH, Komisija podnosi sljedeći:

### IZVJEŠTAJ

#### **Ad-1 Usvajanje Zapisnika s nastavka 7. sjednice Komisije**

Zapisnik s nastavka 7. sjednice Komisije je jednoglasno usvojen.

#### **Ad-2 Informacija o stanju kriminaliteta - sigurnosti na području Federacije BiH za period januar, februar, mart i april 2024.godine, kao i zaključke na Informaciju o stanju sigurnosti za period januar - decembar 2023. godine, broj: 01/05-03-1101/24 od 23.5.2024. godine**

Nakod usmenog izlaganja direktora Federalne uprave policije Vahidina Munjića te predstavnika Federalne uprave policije Samira Čolaka i sveobuhvatne rasprave, prisutni članovi Komisije jednoglasno su primili k znanju Informaciju o stanju kriminaliteta - sigurnosti na području Federacije BiH za period januar, februar, mart i april 2024.godine, kao i zaključke na Informaciju o stanju sigurnosti za period januar - decembar 2023. godine, broj: 01/05-03-1101/24 od 23.5.2024. godine.



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
HOUSE OF REPRESENTATIVES

*Zaključci Federalne uprave policije:*

- 1. Za poboljšanje sigurnosne situacije u Federaciji BiH, direktor Federalne uprave policije predlaže puno bolju i efikasniju koordinaciju između kantonalnih ministarstava unutrašnjih poslova i Federalne uprave policije, posebno dva najveća kantona – Tuzlanskog i Sarajevskog kantona.*
- 2. Potrebno je da se svi policijski organi u Federaciji BiH pridržavaju zakonskih nadležnosti (npr. Federalna uprava policije je nadležna za borbu protiv organiziranog kriminala i terorizma, dok su kantonalna ministarstva unutrašnjih poslova nadležna za saobraćaj te javni red i mir).*
- 3. Direktor Federalne uprave policije predlaže da se sva kantonalna ministarstva unutrašnjih poslova zalaže, da u saradnji sa Federalnom upravom policije vrše obuku istražitelja u prikupljanju digitalnih dokaza i kompjuterskog kriminala, a naročito preventivnog djelovanja u osnovnim školama u Federaciji BiH u sprečavanju krivičnih djela kompjuterskog kriminala.*
- 4. S ciljem efikasnijeg i kvalitetnijeg rada potrebno je da Visoko sudsko i tužilačko vijeće naloži svim tužiocima u Federaciji BiH, da prilikom odabira policijskih agencija koje će vršiti istražne policijske radnje poštuju zakonske nadležnosti tih policijskih agencija, jasno definisane u zakonima u unutrašnjim poslovima.*
- 5. Potrebno je provesti proceduru i usvojiti predložene dopune Krivičnog zakona Federacije BiH, a koje se prije svega odnose na kriminalizaciju zlostavljanja putem interneta.*

Nakon održane rasprave po navedenim zaključcima te prezentacije problema koji utiču na efikasan rad Federalne uprave policije od strane direktora FUP-a, Komisija je došla do zaključka da predloženi zaključci FUP-a ne ostavljaju prostora za otklanjanje poteškoća u operativnom radu Federalne uprave policije, a u vezi pitanja koja proizilaze iz Informacije o stanju sigurnosti. Komisija je jednoglasna donijela sljedeće:

**ZAKLJUČKE**

- 1. Zadužuje se Federalno ministarstvo unutrašnjih poslova i Federalna uprava policija da organizuju radni sastanak - tematsku sjednicu o pitanju definisanja konkretnih mjera i radnji koje su neophodne za efikasan rad FUP-a.**



- 
2. Radni sastanak-tematsku sjednicu će organizovati Komisija za sigurnost u saradnji s Federalnim ministarstvom unutrašnjih poslova i Federalnom upravom policije u prostorijama FMUP-a, na koji će biti pozvani i kantonalni ministri unutrašnjih poslova te komesari kantonalnih ministarstava unutrašnjih poslova.

### **Ad-3 Tekuća pitanja**

Komisija je jednoglasno donijela sljedeći:

### **ZAKLJUČAK**

Komisija traži da Vlada Federacije BiH realizuje zaključak Komisije za sigurnost Predstavničkog doma, a koji se odnosio na aktivnosti da se Federalna uprava civilne zaštite definiše kao federalna uprava u sastavu Federalnog ministarstva unutrašnjih poslova, kako bi se osigurala efikasnija kontrola navedene uprave.

U skladu sa članom 53. Poslovnika Predstavničkog doma za izvjestioca je određen Dragan Mioković, predsjednik Komisije.

**PREDSJEDNIK KOMISIJE**  
Dragan Mioković, s.r.